

13. 14. 15. 16. **OBLAST ZAŠTITE CIVILNIH
ŽRTAVA RATA**

Osnovna prava civilnih žrtava rata su definisana i uređena Federalnim i Kantonalnim zakonom, tako da civilne žrtave rata imaju pravo na:

- a) ličnu invalidninu ili mjesečno lično novčano primanje;
- b) dodatak za njegu i pomoć od strane drugog lica;
- c) ortopedski dodatak;
- d) porodičnu invalidninu;
- e) zdravstvenu zaštitu.

Shodno rješenjima koja proizilaze iz navedenih zakona, finansiranje za prva četiri prava civilnih žrtava obezbjeđuje se u omjeru 70 % iz Federalnog budžeta i 30 % iz Budžeta Zeničko-dobojskog kantona. Osnovica za obračun novčanih primanja ovih lica iznosi 70% od osnovice utvrđene u skladu s federalnim propisima o pravima branitelja i članova njihovih porodica, dok se lična

invalidnina utvrđuje u mjesečnom iznosu prema grupi oštećenja organizma u propisnom procentu. Osnovica je utvrđena Odlukom Vlade Federacije BiH.

Ličnu invalidninu, civilne žrtave rata mogu ostvariti zavisno od procenta tjelesnog oštećenja od 60% do 100%, a dodatak za njegu i pomoć od strane drugog lica i ortopedski dodatak u tri grupe. Iz Budžeta Kantona se finansiraju i dodatna prava za čije je bolje uređenje potrebno da se uključe drugi sektori i nivoi vlasti, i to:

- pravo na pomoć u troškovima liječenja i nabavci ortopedskih pomagala;
- osposobljavanje za rad (profesionalna rehabilitacija, prekvalifikacija i dokvalifikacija);
- prioritarno zapošljavanje;
- prioritarno stambeno zbrinjavanje;
- psihološka i pravna pomoć.